

Privremena upraviteljica objavila zaključke svoje istrage

Privremena upraviteljica, Toby Robinson, objavila je u ponedjeljak zaključke svoje istrage vezane za Hercegovačku banku. Ovaj izvještaj, koji je napisan na više od 90 strana, otkriva da:

- je Banka bila nesolventna na dan 6. aprila 2001.god., i da bi propala da nije došlo do preuzimanja upravljanja nad bankom. Štedišne ne bi imale nikakve kompenzacije, i cjelokupno osoblje bi izgubilo posao.
- su pojedinci koji su osnovali Banku koristili istu kako bi stekli korist za sebe i posebne interesne grupe, kanalisanjem novca kroz privatna preduzeća čiji su također oni vlasnici bili.
- su uprava i dioničari u krajnjoj mjeri zloupotrijebili ovu Banku na štetu štedišne i komitenata. Najmanje 216 miliona KM koji su se trebali upotrijebiti za isplatu plata HVO-u, penzija te za isplatu udovicama boraca je nestalo.
- su uprava i dioničari Banke svjesno prekršili Zakon o bankarstvu, Propise Federalne agencije za bankarstvo, te uslove svoje licence. Ovaj Izvještaj daje detalje o ozbiljnim kršenjima sedam članova Zakona o bankama FBiH.
- su neki od dioničara koristili Banku za finansiranje onoga što izgleda da je bio smišljen pokušaj da se promijeni Ustav BiH nezakonitim sredstvima.
- da velika većina uposlenika i gotovo svi komitenti nisu bili odgovorni za ove zloupotrebe. Zaista, unatoč ovim zloupotrebama, Banka je vodila uspješno poslovanje u bankovnim poslovnica, te je igrala važnu ulogu u lokalnoj privredi.

“Ovaj Izvještaj predstavlja samo vrh ledenog brijega podataka koje smo analizirali u proteklih 18 mjeseci,” izjavila je gospođa Robinson. “Izvještaj predstavlja završetak moje istrage, ali ne i mog rada. Sada će ovaj Izvještaj biti upućen gospodinu Paddyju Ashdownu kako bi razmotrio implikacije za budućnost ove Banke. Jedan primjerak istog će također biti upućen federalnom tužiocu s ciljem razmatranja pokretanja daljnjih mogućih građanskih i krivičnih zakonskih postupaka. Kada visoki predstavnik donese svoju odluku o ovoj Banci, moja odgovornost će tada biti da provedem tu odluku.”

Gospođa Robinson je izjavila da je za njenu istragu bio potreban značajan vremenski period zbog “složene mreže transakcija između Banke, njenih filijala, i povezanih preduzeća; neuobičajeno široke i raznolike prirode operacija Banke, uzimajući u obzir njenu veličinu; te zbog činjenice da su velike mjere opreza preduzete kako bi se prikrija prava priroda mnogih transakcija.” Međutim, rekla je da je bila u mogućnosti da “izvrši temeljitu analizu svakog pojedinačnog podatka prije donošenja zaključaka”.

Gospođa Robinson je podsjetila sve one komitente koji imaju depozite od 5.000 KM ili manje u Hercegovačkoj banci da već imaju pravo na punu nadoknadu te je konstatovala da ukoliko se već nisu prijavili za dobivanje nadoknade, to mogu uraditi tako što će kontaktirati jednu od poslovnica ili kontaktirajući direktno Privremenu upravu.